

1930. V. 2. Concl.
29-10: 307.

Unione Novialisti International

Presidante : JEAN BARRAL, Berre-des-Alpes (A.-M.) Franska.

Sekretarie-Kasere : P. AHLBERG, Brahegatan, 54, Stockholm ö. (Suedia)
(Postgirokonto : 32)



LABOR-PROGRAMME

Disi unione have li **ekklusivi** eme tu initia general adop-
tione de un international auxiliari lingue sur siential base
kel ofra li maxim grand fasilitate a li maxim multi homes.

Li unione akte per :

A. — Direktorie (D)

B. — Sen membres.

Li taskes de D es tu organisa e diriga li unionen laboro e
representa disu in omni praktikal aferes. Por solu disi tas-
kes D distribu li laboros del unione inter spesial auxiliari ko-
mites, ex. : exekutiv komite, interlinguistal komite, komite de
redakzione, komites por national propago, por li propago inter
diversi medies profesional, por reglo del instrukzione in novial,
por organisatione de korespondo, por li finanse del unione,
por explotatione de novial ets.

Li eme de diso laboro-distributione es tu aktivisa omni unio-
nen membres. Li sisteme de kooptatione insted elektione per
voto simplifika li laboro, posiblis ke li justu persones bli posi sur
li justu plases, ekskluse surprisant voto-strokes e hindra li desa-
probindi elektione de kandidates non konosat da li votantes.

Li gidant prinsipe del unionen laboro deve es : maximum de
efekte per minimum de efortes.

Komite interlinguistal, kontenant filologes e autores de lerno-
libres e lexikes in novial, deve funkciona konsilantim til ke sufi-
santi nombre de **profesores (ek universitates) de linguistike
komparat** ve adheze al metode lingual da Jespersen, tand ti las-
ti ve forma li natural « **unione akademial** » por li developa-
tione de li lingue international, in absoluti eksklusione del non
kompetentes.

Unione Novialisti International

(FONDAT 1930 — JANUARE 20)

STATUTE

- § 1. — UNIONE NOVIALISTI INTERNATIONAL (UNI) have li **ekklusivi** eme tu initia general adoptione de un international auxiliari lingue sur siential base kel ofra li maxim grand fasilitate a li maxim multi homes.
- § 2. — A. Li yaral membre-suskriptione es dolare 0,50.
B. Membre, kel ante li 1 julie non ha paga sen membral suskriptione por ti yare, qualifika se kom demisente.
- § 3. — A. Direktorie de UNI, konsistant ek aminim 12 membres, organisa e diriga li unionen laboro e representa disu in omni praktikal aferes.
B. Li direktorie konstitu spesial komites por diversi labortaskes.
C. Li direktorie e li komites plenisa e augmenta sen membraros per kooptatione inter li unionen membres.
- § 4. — Li ofisial revue de UNI bli selekte dal direktorie. In ti periodale bli publisata omni ofisial komunikationes, exsept li yaral bilansie, kel bli disdona privatim a chaki membre.
- § 5. — A. Li ofisial lingue de UNI es NOVIAL, kelen primi autoritate provisorim es lun autore OTTO JESPERSEN.
B. Es omni membren devo tu talim kontribu al evolutionari perfektiso de novial ke disi lingue sempre ofra li maxim grand fasilitate a li maxim multi homes.